

CUNDIZIUNS GENERALAS DA FATSCHENTA (CGF)

1. Schurmetg da datas

La declaraziun dil schurmetg da datas reglescha la rimnada, il diever e la transmissiun da datas ch'ei dat cun duvrar l'applicaziun electronica (scurs.: app) dalla pesca.

Per paginas d'internet externas dall'app, tier las qualas ei exista in link, vegn buca dau ina garanzia ch'ins observi las prescripziuns dil schurmetg da datas.

1.1 Datas persunalas

L'app rimna ed arcunescha datas persunalas sco era indicaziuns dils singuls eveniments da pescar. Quellas datas vegnan duvradas exclusivamein per identificar Vus sco pescadura/pescadur cun lontscha autorisau e da rimnar Vossas informaziuns tiels eveniments da pescar.

Vus predeis enconuschientscha che datas e statisticas che serefereschon a persunas vegnan messas a disposiziun agl Uffeci da catscha e pesca dil Grischun. Quei uffeci resalva il dretg da contactar Vus pertuccon ils cuntegns relevants per la pesca. Plinavon san datas vegnir transmessas en fuorma anonimizada ad auters uffecis/tiarzas interpresas.

Cun mesiras da segirtad tecnicas sco era organisatoricas vegnan Vossas datas persunalas segiradas aschia ch'ellas ein nunaccessiblas per tiarzas persunas buca autorizadas.

1.2 Cookies

L'app da pescar lavura cun cookies. Quel san ins impedir tras reglaziuns en Vies browser. Sut circumstanziyas savessen entginas funcziuns dall'app buca funcziunar endretg sche la lavur cun cookies ei deactivada.

1.3 Midadas dallas determinaziuns dil schurmetg da datas

Nossa declaraziun dil schurmetg da datas sa vegnir adattada en intervals irregulars, quei per ch'ella corrispundi allas pretensiuns legalas actualas ni per realisar midadas da nos survetschs, per exempel cun integrar novas purschidas. Tier la proxima annunzia vala lu automaticamein la nova declaraziun dil schurmetg da datas.

2. Patent

Il contract da cumpra per la patenta sebase sin questas CGF sco era sillas prescripziuns supplementaras da pescar dalla vischnaunca da Laax e dil Cantun Grischun. Cun acceptar las CGF confirmeis Vus che Vus haveis legiu omisduas prescripziuns.

Igl ei exclus da returnar ni brattar la patenta.

Vus haveis il dretg da pretender immediatamein ina correctura ni cumplettaziun da Vossas datas arcunadas tier nus che pertuccan la persuna en connex culla patenta.

3. Determinaziuns per la controlla

Per la controlla dallas datas dalla patenta ei gl'apparat final mobil da surdar – sch'ei vegn pretendiu – al personal da controlla. Per saver far ina controlla conforma agl uorden ei quel legitimaus d'applicar gl'apparat final mobil.

Gl'act da cumpra d'ina patenta valeivla sto esser finius avon ch'il cumprader entscheiva a pescar e la patenta sto esser veseivla sin finistrel.

4. Midadas dallas CGF

Ei valan mintgamai las CGF en lur versiun finida. La vischnaunca Laax sa midar da tut temps ils prezis dallas patentas e las CGF. La vischnaunca da Laax preinformscha ils utilisaders dall'app da pescar davart midadas dallas CGF.

Cun acceptar las CGF accepteis ed approbeis Vus era tut ils puncts inclus en quellas.

Tier la registraziun ed autras accziuns da diever ein gl'utilisader/l'utilisadra obligaus/obligada da far indicaziuns cumpletas e veras. Ella/el s'oblighescha plinavon d'actualisar tuttas indicaziuns e da curreger immediat sbagls.